

# MAHATHIR BERLEPAS KE FIJI

**KUALA LUMPUR, Khamis** — Datuk Seri Dr. Mahathir Mohamad petang ini berlepas untuk lawatan ke negara-negara Fiji, Tonga dan Samoa Barat, dengan harapan dapat mengukuhkan lagi strategi politik dan ekonomi dengan negara-negara tersebut.

Perdana Menteri diiringi oleh isterinya, Datin Seri Dr. Siti Hasmah dan pegawai-pegawai kanan kerajaan dari berbagai Jabatan.

Timbalan Perdana Menteri, Datuk Musa Hitam dan isteri, Datin Maria, Menteri-menteri, Timbalan-timbalan Menteri serta orang-orang kenamaan lain berada di Lapangan Terbang Antarabangsa Kuala Lumpur di Subang untuk mengucapkan selamat jalan.

Dalam lawatan lapan hari ke negara-negara tersebut, Datuk Seri Dr. Mahathir akan menemu, berbincang dan bertukar-tukar fikiran dengan rakan-rakan sejawatnya.

Datuk Seri Dr. Mahathir juga dijangka menawarkan rombongan yang boleh dihulurkan oleh Malaysia kepada negara-negara Kepulauan Pasifik itu.

Menteri Luar, Tan Sri Ghazali Shafie yang di-

jadualkan menyertai rombongan Perdana Menteri tidak dapat turut serta kerana beliau terpaksa ke Jeddah untuk menghadiri Persidangan Jawatankuasa Pendamai Pertubuhan Persidangan Islam, Sabtu ini dalam usaha menamatkan persengketaan Iran-Iraq.

Tempat beliau diganti oleh Menteri di Jabatan Perdana Menteri, Datuk

Abdullah Haji Ahmad Badawi.

Sebelum itu, Tan Sri Ghazali juga berkata, negara-negara Kepulauan Pasifik kini menghadapi bahaya kerugian disebabkan mengamalkan sistem perdagangan bebas.

"Sekiranya mereka diabalkah atau merasa diri mereka tidak dihiraukan ia akan merugikan kita sendiri," tambah beliau lagi.

Bahan asal dari Arkib  
Negara Malaysia

No. Siri ..... 2803

No. Penerimaan ..... 948/85



□ PERDANA Menteri, Datuk Seri Dr. Mahathir Mahamad diiringi oleh Datuk Musa Hitam menuju ke pesawat khas MAS yang akan membawa beliau ke negara-negara Fiji, Tonga dan Samoa Barat.

Perdana Menteri, diiringi oleh isterinya, Datin Seri Dr. Siti Hasmah serta rombongan pelaburan dan ekonomi berlepas di Lapangan Terbang Antarabangsa Kuala Lumpur, di Subang dekat sini, petang semalam.

Dalam lawatan rasmi lapan hari itu, Datuk Seri Dr. Mahathir akan berbincang dan bertukar fikiran dengan rakan-rakan sejawatnya dari negara-negara kepulauan Pasifik Selatan itu — Gambar Berita Harian oleh ARIFF AZAHARI.

Bahan asal dari Arkib  
Negara Malaysia

No. Siri ..... 2804 .....  
No. Penerimaan ..... 519/85 .....